



左氏  
十一

莊  
閔

二十二年  
元年  
至二年

服部文庫  
117  
207  
6.



春秋左傳註疏卷第十

莊二十三年  
盡三十二年

晉杜氏註

唐孔穎達疏

經二十有三年春公至自齊無傳

祭叔來聘無傳穀梁以祭叔為祭公來聘魯天子內

臣不得外交故不言使不與其得使聘為祭側界友

穀梁至使聘○正義曰諸言聘者皆言某侯使

某來聘此不言使左氏無傳故取穀梁為說穀梁

傳云其不言使何也天子之內臣也不正其外交故

不與使也然則言內臣不得外交必是畿內之國畿

內之國非唯祭耳傳不言為祭公來聘杜言為祭公

來聘者但祭叔連祭為文必是祭人虞叔子虞公之

祭叔

祭叔

祭叔

祭叔

祭叔

祭叔

是

弟此祭叔或是祭公之弟故以為為祭公來聘天子  
內臣不得外交諸侯故不言使不與其得使聘也魯  
受其聘行其禮故書聘耳二十五年陳女叔來聘嘉  
之故不名此無可嘉亦稱叔者杜意叔為名為字無  
以可知故  
不明言

夏公如齊觀社

齊因祭社蒐軍實故公往觀之

因至觀之正義曰魯語說此事云夫齊棄太公之  
法而觀民於社孔晁云聚民於社觀戎器也襄二十  
四年傳稱楚子使蓬啓疆如齊齊社蒐軍實使客觀  
之知此亦然故公往觀之釋例曰凡公出朝聘奔喪  
會葬皆但書而不言其事此春秋之常然  
則喪葬常事故不書觀社非常故特書

公至自齊

無傳不書荆子使某來聘君臣同辭者蓋  
荆人來聘無傳不書荆子使某來聘君臣同辭者蓋

荆人來聘

無傳

無傳不書荆子使某來聘君臣同辭者蓋

開辭

楚之始通未成其禮

不書至其禮正義曰釋

乃楚之初興未開周之典禮告命之禮自生同與楚  
武王熊達始居江漢之間然猶未能自同列國故稱  
荆敗蔡師荆人來聘從其所居之稱而總其君臣是  
言楚之始通未成其禮之意言君臣同辭者此云荆  
人來聘是臣來也僖二十一年楚人使宜申來獻  
捷言使則是君也而經亦書楚人是君臣同辭

公及齊侯遇于穀

無傳

音谷

蕭叔朝公

無傳蕭附庸國叔名就穀朝公故不言來

凡在外朝則禮不得具嘉禮不野合

蕭附至野

無爵而稱朝知是附庸國也邾儀父貴之乃書字此  
無所貴知叔為名也公羊傳曰其言朝公何公在外  
也文連遇于穀是就穀朝公穀是齊地故不言來也  
定十四年大蒐于比蒲邾子來會公比蒲魯地故言  
及古

來也。穀梁傳曰：朝於廟正也。於外非正也。是言在外行朝則禮不得具。定十年傳稱嘉樂不野合。知嘉禮亦不野合。嘉禮謂善禮。非五禮之嘉也。朝於五禮屬賓。

秋丹桓宮楹

桓公廟也。楹柱也。

音盈。

冬十有一月曹伯射姑卒

無傳。未同盟。而赴以名。射。

示亦反。又音亦。

十有二月甲寅公會齊侯盟于扈

無傳。扈鄭地在榮陽卷縣西北。

扈音戶。卷音權。字林丘權。反。韋昭丘云。反說文丘粉反。

傳二十三年夏公如齊觀社非禮也。曹劌諫曰不可。

夫禮所以整民也。故會以訓上下之則。制財用之節。

討其不然。朝以正班爵之義。帥長幼之序。征伐以

討其不然。不然不用命。○長丁。夫禮至不然。○

所以整理天下之民。民謂毗庶貴賤者皆是也。諸侯會聚所謀皆是尊王室。修臣禮。故會以訓上下之則。以諸侯事天子。訓在下事其君也。於會必號令諸國。出貢賦多少。即是制財用之節度也。禮使小國朝大國。是朝以正班爵之等義也。爵同則小國在下。是帥長幼之次序也。諸侯之序以爵不以年。此言長幼謂國大小也。沈氏云。爵同者據年之長幼。故云帥長幼之序。不朝不會。則征討之。故言征伐以討其不然。

諸侯有王。從王事。王有巡狩。省四方。以大習之。

大習會朝之禮。非是君不舉矣。君舉必書。書於

策書而不法。後嗣何觀。○晉桓莊之族偪。桓叔莊

伯之子孫彊盛偏迫公室○偏彼力反獻公患之士蔿曰

去富子則羣公子可謀也已士蔿晉大夫富子二

族之富彊者○蔿于委反去起呂反下同公曰爾試其事士蔿與

羣公子謀譖富子而去之以罪狀誣之同族惡其

富彊故士蔿得因而間之用其所親為譖則似信離

其骨肉則黨弱羣公子終所以見滅○惡鳥路反○

秋丹桓宮之楹

經二十有四年春王三月刻桓宮桷刻鏤也桷椽也

將迎夫人故為盛飾○刻音克桷音角字林云齊魯謂椽為桷椽直專反

鏤至盛飾○正義曰釋器云金謂之鏤木謂之刻刻木鏤金其事相類故以刻為鏤也桷謂之椽椽即椽也穀梁傳曰刻桷非正也夫人所以崇宗廟也取非禮與非正而加之於宗廟以飾夫人非正也刻桓宮桷丹桓宮楹斥言桓宮以惡莊也是言丹楹刻桷皆為將逆夫人故為盛飾

葬曹莊公

夏公如齊逆女無傳親逆禮也○正義曰公羊傳曰何

以書親逆禮也親逆是正禮有故得使卿逆亦無譏也

秋公至自齊無傳八月丁丑夫人姜氏入哀姜也

公羊傳以為姜氏要公不與公俱入蓋以孟任故丁

丑入而明日乃朝廟○要於遙反任音朝廟○正

義曰公羊傳曰其言入何難也其難奈何夫人不可  
使入與公有所約然後入唯言有所要不知要何事  
故云蓋以孟任故也明日戊寅大夫宗婦覲用幣夫  
人若未朝廟不得受臣覲禮知明日乃朝廟既朝乃  
見大夫宗婦杜言朝廟者為覲用幣發也書入不書  
至者釋例曰莊公顧割臂之盟崇寵孟任故即位二  
十三年乃娶元妃雖丹楹刻桷身自納幣而有孟任  
之嫌故與姜氏俱反而與入經所以不以至禮書也  
**戊寅大夫宗婦覲用幣**宗婦同姓大夫之婦禮小

君至大夫執贄以見明臣子之道莊公欲奢夸夫人

故使大夫宗婦同贄俱見○覲徒歷反見也以見賢遍反下同夸苦瓜反

**宗婦**至俱見○正義曰襄二年葬齊姜傳稱齊侯使諸姜宗婦來送葬諸姜是同姓之女知宗婦是同姓大夫之婦也禮小君至大夫執贄以見明臣子之道禮亦無此文士相見禮稱大夫始見於君執贄夫

僭

人尊與君同臣始為臣有見君之禮明小君初至亦  
當有禮以見也且傳唯譏婦贄不宜用幣不言覲之  
為非知其禮當然也大夫當用羔鴈用幣亦為非禮  
也莊公欲奢夸夫人故使男女同贄惡其男女無別  
且譏譜為失禮故書之

**大水**無傳

**冬戎侵曹**無傳

**曹羈出奔陳**無傳羈蓋曹世子也先君既葬而不稱

爵者微弱不能自定曹人以名赴○正義曰此事

左氏穀梁並無傳公羊以曹羈為曹大夫三諫不從  
而出奔杜以此經書曹羈出奔陳亦歸于曹與鄭忽  
出奔衛突歸于鄭其文相類故附彼為之說蓋為疑  
辭微弱不能自定曹人以名赴亦如鄭忽之出奔

稱

赤歸于曹傳無傳赤曹僖公也蓋為戎所納故曰歸傳

傳赤曹至曰歸○正義曰史記曹世家與年表皆云僖公名夷三家經傳有五而皆言赤杜以鄭突類之知赤是曹君故以赤為僖公書有舛誤何必史記是而杜說非也傳例曰諸侯納之曰歸以戎侵曹而赤歸故云蓋為戎所納也賈逵以為羈是曹君赤是戎之外孫故戎侵曹逐羈而立赤亦以意言之無所據也

郭公傳無傳蓋經闕誤也自曹羈以下公羊穀梁之說

既不了又不可通之於左氏故不采用傳蓋經至義曰公羊穀梁並以赤歸于曹郭公連文為句言郭公名赤失國而歸于曹是為說不了故不采用傳二十四年春刻其桷皆非禮也傳并非丹楹故言

堊

尸昌

云下夫衍

皆傳并非丹楹故言皆○正義曰穀梁傳曰禮楹

傳天子諸侯黝堊大夫蒼士黹丹楹非禮也註云黝楹黑色黹黃色又曰禮天子之桷斷之檟之加密石焉諸侯之桷斷之檟之大夫斷之士斷本刻桷非正也加密石註云以細石磨之晉語云天子之室斷其椽而檟之加密石焉諸侯檟之大夫斷之士首之言雖小異要知正禮楹不丹楹不刻故云皆非禮也御孫諫曰臣聞之儉德之

共也修惡之大也傳御孫魯大夫○御魚呂反本亦反戶氏先君有共德而君納諸大惡無乃不可乎傳以

不丹楹刻桷為共○秋哀姜至公使宗婦覲用幣非禮也傳傳不言大夫唯舉非常傳傳不至非常○

傳云夫下大夫相見以鴈上大夫相見以羔如士相見之禮始見於君執贄鄭玄云士大夫一也如彼禮文

大夫始見於君用羔鴈始見夫人亦當然然則大夫用幣亦非常而以大夫為常者禮孤執皮帛則諸侯之臣有執帛者矣大夫執帛唯上僭耳其帛猶是男子所執婦人執幣則全非常事御孫唯諫婦人不宜執幣丘明為諫發傳故唯舉非常也左傳諸為御孫諫者或言諫曰或不言諫意在載辭不為例也

**曰男贄大者玉帛**

**公侯伯子男執玉諸侯世子附庸孤卿執帛**

**庸孤卿執帛** ○贄真 **禮** 公侯至執帛 ○正義曰周執信圭伯執躬圭子執穀璧男執蒲璧是公侯伯子男皆執玉也典命職曰凡諸侯之適子誓於天子攝其若則下其君之禮一等未誓則以皮帛繼子男公之孤四命以皮帛眠小國之君是諸侯世子與孤卿執帛也附庸雖則無文而為一國之主來則謂之為朝未有爵命不合執玉明與世子同執帛也且哀七年傳稱禹合諸侯於塗山執玉帛者萬國附庸是國明執帛者附庸也鄭玄周禮註云皮帛者束帛而表

名疑命

以皮為之飾皮虎豹皮帛如今璧色繪也周禮以玉作六瑞以禽作六贄則瑞贄有異而此傳玉帛同言贄者鄭玄曲禮註云贄之言至也當謂執之見人以表至誠也典瑞註云瑞節信也禮天子執冒以見諸侯諸侯執圭璧以朝天子天子以冒冒之以為信故以瑞為名皮帛以下無此合信之事故以贄為名其實皆以表至誠故傳通以贄言 **小者禽鳥** **卿執羔** 大夫執鴈士執雉 **卿執至執雉** ○正義曰周禮羣而不失其節鴈取其候時而行雉取其守介而死不失其節鷩取其不飛遷雞取其守時而動曲禮曰飾羔鴈者以纁言天子之臣飾羔鴈以布又畫 **以章** 之諸侯之臣飾以布不畫之自雉以下無飾 **物也** **章所執之物別貴賤** ○別彼 **女贄不過榛栗棗脩以告虔也** **榛小栗脩脯虔敬也皆取其名以**



示敬○榛側中反脩鍛脯  
加薑桂曰脩度音乾  
曰曲禮云婦人之贊棋  
榛脯脩棗栗鄭玄云婦人無外事見以羞物也棋榛  
木名棋枳也  
有實今邳郟之東食之榛實似力而小  
鄭又註周禮膳人云薄析曰脯種之而施薑桂曰鍛  
脩然則脩脯大同故以脩為脯也  
虔敬釋詁文皆取  
其名以示敬者先儒以為栗取其戰栗也棗取其早  
起也脩取其自脩也唯榛無說蓋以榛聲近虔取其  
虔於  
**今男女同贊是無別也**  
男女之別國之大節也  
事也  
**而由夫人亂之無乃不可乎**  
○晉士蔿又與羣公子  
**謀使殺游氏之二子**  
游氏二子亦桓莊之族士蔿  
**告晉侯曰可矣不過二年君必無患**  
**經二十有五年春陳侯使女叔來聘**  
女叔陳卿女氏

叔字○女音汝  
陳大夫氏

**夏五月癸丑衛侯朔卒**  
無傳惠公也書名十六年與

內大夫盟于幽

**六月辛未朔日有食之鼓用牲于社**  
鼓伐鼓也用牲

以祭社傳例曰非常也  
伐至常也○正義曰尚  
書召誥云用牲于郊牛二  
如此之類言用牲者皆用之以祭知此用牲以祭社  
也鼓之所用必是伐之伐理可見故不言伐鼓牲不  
言用則牲無所施於文不足故言用牲傳稱正月之  
朔應未作日有食之於是乎用幣于社伐鼓于朝正  
月謂周六月也此經雖書六月杜以長歷按之此是  
七月七日用鼓非常月也鼓當于朝而此鼓于社非  
其處也社應用幣而於社用牲非  
所用也一舉而有三失故譏之

伯姬歸于杞無傳不書逆女逆者微

秋大水鼓用牲于社于門門國門也傳例曰亦非常

也 **國** 門國門也正義曰祭法云天子立七祀諸

謂城門也傳稱天災有幣無牲非日月

冬公子友如陳無傳報女叔之聘諸魯出朝聘皆書

六如不果彼國必成其禮故不稱朝聘春秋之常也公

子友莊公之母弟稱公子者史策之通言母弟至親

異於他臣其相殺害則稱弟以示義至於嘉好之事

兄弟篤睦非例所興或稱弟或稱公子仍舊史之文

得

也母弟例在宣十七年○好呼報 **國** 報女至七年

朝聘多有在道復者假令得到彼國尚不知受之以

否故皆書如如者往也直言往彼而已不果彼國必

成其禮故不稱朝聘為春秋之常也僖二十八年公

朝于王所朝訖乃書故即稱為朝此公子友莊公之

母弟也於莊世稱公子昭元年陳公子招陳哀公母

弟也釋例曰庶弟不得稱弟而母弟獨稱公子秦伯之

弟鍼適晉女叔齊曰秦公子必歸此公子亦國之常

言得兩通之證也是言公子母弟得通言之意也釋

例又曰兄而害弟則稱弟以章兄罪弟又害兄則去

弟以罪弟身統論其義兄弟二人交相殺害各有曲

直存弟則示兄曲也是言其相殺害則稱弟以示義

也釋例又曰若夫朝聘盟會嘉好之事此乃兄弟之

篤睦非義例之所興故仍舊史之策或稱弟或稱公

子踐土之盟叔武不稱弟此其義也案經桓三年齊

春大宛

卷之十九

及古蜀

年衛侯之弟黑背帥師侵鄭彼皆稱弟季友陳招並稱公子俱無褒貶所稱不同知是史文之異不為義例仲尼無所見義故仍舊史耳

**傳二十五年春陳女叔來聘始結陳好也嘉之故不**

**名**季友相魯原仲相陳二人有舊故女叔來聘季

友冬亦報聘嘉好接備卿以字為嘉則稱名其常也

○相魯息亮反下同 ○夏六月辛未朔日有食之鼓用牲于社

**非常也**非常鼓之月長歷推之辛未實七月朔置

閏失所故致月錯文十五年昭十七年皆書六月

朔日有食之昭十七年傳稱祝史請所用幣昭子許之平子禦之曰止也唯正月朔慝未作日有食之於

若

是乎有伐鼓用幣禮也其餘則否太史曰在此月也經書六月而史言在此月則知傳言正月之朔慝未作者謂此周之六月夏之四月也文十五年傳直說天子諸侯鼓幣與禮不言非常知彼言六月直六月也此亦六月而云非常下句始言唯正月之朔有用幣伐鼓之月長歷推此辛未為七月之朔由置閏失所故致月錯不應置閏而置閏誤使七月為六月也釋例曰莊二十五年經書六月辛未朔日有食之實是七月朔非六月故傳云非常也唯正月之朔有用幣伐鼓明此食非用幣伐鼓常月因變而起歷誤也文十五年經文皆同而更復發傳曰非禮者明前傳欲以審正陽之月後傳發例欲以明諸侯之禮此乃聖賢之微旨而先儒所未喻也劉炫云知非五月朔者昭二十四年五月日有食之傳云日過分而未至此日是五月亦應云過分而未至也今言慝未作則是已作之辭故知非五月案二十四年八月丁丑夫人姜氏入從彼推之則六月辛未朔非有差錯杜云置閏

失所者以二十四年八月以前誤置一閏非是八月以來始錯也

**唯正月之朔慝未**

**作**正月夏之四月周之六月謂正陽之月今書六月而傳云唯者明此月非正陽月也慝陰氣○正音

建巳之月慝他年傳太史論正月之事云當夏四月是謂孟夏知正月是夏之四月周之六月也詩云

正月繁霜鄭玄云夏之四月建巳純陽用事是謂正

月為正陽之月慝惡也人情愛陽而惡陰故謂正

陰為惡故曰慝陰氣也未作謂陰氣未起也**日有**

**食之於是乎用幣于社伐鼓于朝**日食歷之常也

然食於正陽之月則諸侯用幣于社請救於上公伐

鼓于朝退而自責以明陰不宜侵陽臣不宜掩君以

**示大義**日食至大義○正義曰古之歷書十矣

三分月之二十而日月交會近世為歷者皆以為一

百七十三日有餘而日一食是日食者歷之常也古

之聖王因事設戒夫以昭昭大明照臨下土忽爾殲

亡俾晝作夜其為怪與莫斯之甚故立求神請救之

禮責躬罪已之法正陽之月陽氣尤甚於此尤甚之

月而為弱陰所侵故尤忌之社是上公之神尊於諸

侯故用幣于社請救於上公伐鼓于朝退而自攻責

也日食者月揜之也日者陽之精月者陰之精日君

道也月臣道也以明陰不宜侵陽臣不宜揜君以示

大義也昭二十九年傳曰故有五行之官是謂五官

實列受氏姓封為上公祀為貴神社稷○**秋大水鼓**

**用牲于社于門亦非常也**失常禮凡天災有幣無

**牲**天災日月食大水也祈請而已不用牲也

盛下同

災至牲也。正義曰：傳言亦非常，亦上日食也。但日食之鼓，非常月伐鼓于社，非常禮。大水用牲，亦非常禮。俱是，非常故亦前也。傳既亦前，即發凡例。知天災之言，兼日食、大水也。天之見異，所以謹告人君。欲令改過修善，非為求人飲食。既遇天災，隨時即告。唯當告請而已。是故有幣無牲。若乃亢旱歷時，霖雨不止。然後禱祀羣神，求弭災沴者，設禮以祭。祭必有牲。詩云：「靡神不舉，靡愛斯牲。」是其為旱禱祭皆用牲也。祭法曰：「埋少牢於泰昭，祭時也。」相近於坎壇，祭寒暑也。王宮祭日也。夜明祭月也。幽禁祭星也。雩祭水旱也。鄭玄云：「凡此以下，皆祭用少牢。寒暑不時，則或禳之。禱之祭皆用牲。」**非日月之青，不鼓。****青猶災也。**月侵日為青。陰陽逆順之事，賢聖所重，故特鼓之。○青所景反。

**青猶災也。**是青災相類，故云青猶災也。月侵日為青。

陰犯陽為逆，逆順之事，賢聖所重，故見其逆事而特鼓之。此據日食為說耳。傳稱日月之青，日月並言，則月食亦有鼓。周禮大僕職云：「凡軍旅田役贊王鼓，救日月亦如之。」是日食、月食皆有鼓也。穀梁傳曰：「天子救日，置五麾，陳五兵，五鼓。諸侯置三麾，陳三鼓。○晉三兵，大夫擊門，士擊柝。左氏雖無傳，義或然也。」**士為使羣公子盡殺游氏之族，乃城聚而處之。****聚**

**晉邑。**○聚才。喻反。**冬，晉侯圍聚，盡殺羣公子。****卒如士為**

之計。經二十有六年春，公伐戎。**無傳。**

夏，公至自伐戎。**無傳。**

曹殺其大夫。**無傳。**不稱名，非其罪，例在文七年。**不**

稱至七年○正義曰文七年傳稱書曰宋人殺其大夫不稱名眾也且言非其罪也是仲尼新意變例也

秋公會宋人齊人伐徐無傳宋序齊上主兵

冬十有二月癸亥朔日有食之無傳

傳二十六年春晉士蔦為大司空大司空卿官

大司空卿官○正義曰傳於此年以來說士蔦為獻公設計晉國以安今又言大司空明任以卿位也直言司空者是大夫即司空亞旅皆受一命之服是也晉自文公以後世為盟主征伐諸國卿以軍將為名司空非復卿官故文二年司空士穀非卿也雖則非卿職掌不異成十八年傳曰右行辛為司空使修士蔦之法是也○夏士蔦城絳以深其宮絳晉所都也今平陽絳邑縣○秋虢人侵晉冬虢人又侵晉

為傳明年晉將伐虢張本此年經傳各自言其事者

或經是直文或策書雖存而簡牘散落不究其本末

故傳不復申解但言傳事而已○牘徒木反究音救復扶又反解居蟹反

疏為傳至而已○正義曰此年傳不解經經傳各

傳說曹殺大夫宋齊伐徐或須說其所以此去丘明已遠或是簡牘散落不復能知故耳上二十年亦傳不解經彼經皆是直文故就此一說言下以明上

經二十有七年春公會杞伯姬于洮伯姬莊公女洮

魯地○洮徒洮伯姬莊公女○正義曰上二十五

是莊公女也會女非常

公

氏

知

夏六月會齊侯宋公陳侯鄭伯同盟于幽

秋公子友如陳葬原仲原仲陳大夫原是仲字也禮

臣既卒不名故稱字季友違禮會外大夫葬具見其  
事亦所以知譏○見賢

夫沒矣則稱諡若字桓二年穀梁傳曰子既死父不  
忍稱其名臣既死君不忍稱其名是禮臣卒不名陳  
人不稱其名故  
魯史亦書其字

冬杞伯姬來傳例曰歸寧

莒慶來逆叔姬無傳慶莒大夫叔姬莊公女卿自為

逆則稱字例在宣五年○為于

偽友

杞伯來朝無傳杞稱伯者蓋為時王所黜

○黜勅  
稱伯終於春秋故云蓋為時王所黜於  
公會杞侯莒子盟于曲池自爾以來不見經傳從此  
時周王當桓莊僖惠不知何王黜之

公會齊侯于城濮無傳城濮衛地將討衛也

傳二十七年春公會杞伯姬于洮非事也

之事天子非展義不巡守天子巡守所以宣布德

義諸侯非民事不舉卿非君命不越竟○竟

盟于幽陳鄭服也二十二年陳亂而齊納敬仲二

十五年鄭文公之四年獲成於楚皆有二心於齊今

始服也。二十至服也。正義曰：此年以來，陳鄭

一年鄭厲公卒，二十五年是鄭文公之四年也。文十

七年傳稱鄭子家與趙宣子書云：文公四年二月壬

戌為齊侵蔡，亦獲成於楚，是二十。○秋公子友如陳

葬原仲，非禮也。原仲，季友之舊也。○冬杞伯姬來歸

寧也。寧問父母安否，凡諸侯之女歸寧曰來，出曰

來歸。歸，不反之辭。夫人歸寧曰如某，出曰歸于某。

凡諸侯至于某，正義曰：釋例曰：歸寧者，女子既

嫁，有時而歸，問父母之寧否。父母沒，則使卿歸問

兄弟也。出者，謂犯七出而見絕者也。歸者，有所往之

稱來者，有所反之言，故嫁謂之歸，而寧謂之來。見絕

而出，則以來歸為辭，來而不反也。如某者，非終安之

稱歸于某者，亦不反之辭，是解其文異之意也。此杞

伯姬，寧也。宣十六年，鄭伯姬來歸，出也。文九年，夫人

姜氏如齊歸寧也。魯之夫人無被出者。文十八年，夫

人姜氏歸于齊，雖子死自去歸。○晉侯將伐虢，士蔿

而不反，亦出之類，故與出文同。○晉侯將伐虢，士蔿

曰：不可。虢，公驕，若驟得勝於我，必棄其民。棄民不

養之，無眾而後伐之，欲禦我，誰與？夫禮樂慈愛，戰所

畜也。夫民讓事樂和，愛親哀喪，而後可用也。上之

使民以義，讓哀樂為本，言不可力强。○畜勅六反，下

音洛，強。夫禮至用也。○正義曰：禮樂慈愛，謂國君

其丈反。教民，民間有此四者，畜聚此事，然後可與

人戰。故云戰所畜也。士蔿言其目，更以其義覆之。

禮尚謙讓，讓事謂禮也。樂以和親，樂和謂樂也。慈謂

愛之深也。愛親謂慈也。愛極然後哀喪，哀喪謂



亟戰將饑言號不畜義讓而力戰○亟欺冀反饑居疑反又音機

○王使召伯廖賜齊侯命召伯廖王卿士賜命為

侯伯○召音邵○召伯至侯伯○正義曰召伯稱

也當在西都畿內釋例曰扶風雍縣東南有召亭也

春秋時召伯猶是召公之後西都既已賜秦則東都

別有召地不復知其所在僖二十八年傳稱王命尹

氏王子虎策命晉侯為侯伯則知此賜齊侯命者亦

賜命為侯伯也彼註云周禮九命作伯則此亦九命

之伯謂九州之長為二伯也僖元年傳曰凡侯伯救

患分災討罪禮也註云侯伯州長也彼主說齊桓之

事亦謂九州之長非州牧也言州長者兼見州牧之

事且請伐衛以其立子頹也立子頹在十九年

經二十有八年春王三月甲寅齊人伐衛衛人及齊人

戰衛人敗績齊侯稱人者諱取賂而還以賤者告

不地者史失之齊侯稱人者諱取賂而還以賤者告

告也詩美僖公之伐淮夷得其元龜象齒大賂南金

襄十一年傳稱晉侯伐鄭受鄭之賂告于諸侯皆不

以為諱而此諱之者彼服罪致賂乃以得賂為榮此

舍罪受賂故以受之為恥會于稷舍宋督取郟鼎亦

此之類也戰皆書地此獨不地知是史失之也莊十

年公羊傳曰戰不言伐圍不言戰入不言圍滅不言

入書其重者左無此義而泓韓鞏邲令狐河曲鄢陵

城濮大棘彭衙長岸柏舉之屬皆書戰不書伐此書

伐又書戰襄十八年諸侯同圍齊言圍不言伐文十

五年晉卻缺伐蔡戊申入蔡書伐又書入丘明無文

杜不為說皆是從告而書史有詳畧無義例也此經

既言齊人伐衛不言齊及衛戰而言衛人及齊人戰

者公羊以為伐人者為客被伐者為主以主及客故

春秋左傳卷之十一  
韓之屬皆以主及客也。乾時升陞及鞏皆魯與人戰以魯為主。城濮鄆陵與邲外楚而內晉也。柏舉內蔡而外楚也。被伐為主。或如公羊之說。

夏四月丁未邾子瑣卒。無傳未同盟而赴以名。○瑣素果。

反

秋荆伐鄭公會齊人宋人救鄭。

冬築郿。郿魯下邑。傳例曰邑曰築。○郿亡。○郿魯

○正義曰國都為上邑為下。故云魯下邑。成十八年築鹿圍。傳曰書不時也。此傳唯發城築之例。不言時與不時者。春秋重土功。無備而興作者。傳每事各言時與不時。以別有所備禦。如書旱雩之別。過雩也。其有所畏懼而興作者。唯一發而已。襄十九年城西郿。傳曰懼齊也。是其事也。此年大無麥禾。時歲饑虛恐。

或侵伐故築之以備難從。西郿之例故不發傳也。

大無麥禾。書於冬者。五穀畢入計食不足而後書也。

○正義曰麥熟於夏禾成在秋而書於冬者。計食不足而後總書之。此年不言水旱而得無麥禾者。服虔曰陰陽不和土氣不養故禾麥不成也。傳言饑而經不書者。得齊之糴救民之急。不

至於饑也。傳言饑者。指未糴。○臧孫辰告糴于齊。臧

孫辰魯大夫。臧文仲。○糴徒。○臧孫至于齊。○正義

告糴者。將貨財告齊以買穀。曾語云文仲以鬯圭與玉磬如齊告糴曰不腆先君之敝器敢告。滯積以紓執事。齊人歸其玉而與之糴。公羊傳曰何以不稱使。以為臧孫辰之私行也。君子之為國也。必有三年之委。一年不熟告糴。譏也。穀梁亦然。據經魯臣出使例。不言使。何以當怪此也。傳言告糴禮也。必不得如二

春秋左傳

卷之十一

及左傳

重

春秋

卷之十一

沈氏

傳之說服虔云不言如重穀急辭以其情急於糴故不言如齊告糴乞師則情緩於穀故云如楚乞師○臧孫至文仲○正義曰世本孝公生僖伯彊彊生哀伯達達生伯氏餅餅生文仲辰辰是臧僖伯曾孫

傳二十八年春齊侯伐衛戰敗衛師數之以王命取賂而還○晉獻公娶于賈無子○賈姬姓國也烝於

齊姜○齊姜武公妾○烝之承反生秦穆夫人及太子申

生又娶二女於戎大戎狐姬生仲耳○大戎唐叔子

孫別在戎狄者○重直○大戎至狄者○正義曰伯行之子實生重耳○又曰狐偃其舅也○小戎子生夷吾○小戎允姓之戎子女也○晉率陰戎伐潁王使辭於晉曰先王居

檇杙于四裔故允姓之姦居于瓜州知戎為允姓也凡言子者通男女也知子謂女也二戎相對為大小也

晉伐驪戎驪戎男女以驪姬○驪戎在京兆新豐縣其君姬姓其爵男也納女於人曰女○驪力知反女以昵據反

註曰歸生奚齊其姊生卓子驪姬嬖欲立其子賂外嬖梁五與東關嬖五○姓梁名五在閨闈之外者東關嬖五別在關塞者亦名五皆大夫為獻公所嬖幸

視聽外事○卓勅角反閨音圭使言於公曰曲沃君之宗也○曲沃桓叔所封先君宗廟所在蒲與二屈君之疆也○蒲今平陽蒲子縣二屈今平陽北屈縣

春秋

卷之十一

沈氏

檇杙于四裔故允姓之姦居于瓜州知戎為允姓也凡言子者通男女也知子謂女也二戎相對為大小也

晉伐驪戎驪戎男女以驪姬○驪戎在京兆新豐縣其君姬姓其爵男也納女於人曰女○驪力知反女以昵據反

註曰歸生奚齊其姊生卓子驪姬嬖欲立其子賂外嬖梁五與東關嬖五○姓梁名五在閨闈之外者東關嬖五別在關塞者亦名五皆大夫為獻公所嬖幸

視聽外事○卓勅角反閨音圭使言於公曰曲沃君之宗也○曲沃桓叔所封先君宗廟所在蒲與二屈君之疆也○蒲今平陽蒲子縣二屈今平陽北屈縣

君之疆也○蒲今平陽蒲子縣二屈今平陽北屈縣

君之疆也○蒲今平陽蒲子縣二屈今平陽北屈縣

君之疆也○蒲今平陽蒲子縣二屈今平陽北屈縣

君之疆也○蒲今平陽蒲子縣二屈今平陽北屈縣

君之疆也○蒲今平陽蒲子縣二屈今平陽北屈縣

春秋

卷之十一

沈氏

或云二當為北○屈求勿反一音居不可以無主宗

邑無主則民不威疆場無主則啓戎心戎之生心民

慢其政國之患也若使天子主曲沃而重耳夷吾主

蒲與屈則可以威民而懼戎且旌君伐旌章也伐

功也○場音亦使俱曰狄之廣莫於晉為都晉之啓土不

亦宜乎廣莫狄地之曠絕也即謂蒲子比屈也言

遣二公子出都之則晉方當大開土界獻公未決故

復使二五俱說此美○復扶又反晉侯說之夏使天子居

曲沃重耳居蒲城夷吾居屈羣公子皆鄙鄙邊邑

與北

鳩

○說音悅唯二姬之子在絳二五卒與驪姬譖羣公子而

立奚齊晉人謂之二五耦二耜相耦廣一尺共起

一代言二人俱共墜傷晉室若此○譖責鳩反耜音

狠○楚令尹子元欲盡文夫人文王夫人息媯也

子元文王弟蠱惑以淫事蠱音蠱文夫人○正

稱周易女惑男謂之蠱知蠱謂惑以淫事古惑也義曰昭元年傳

動也萬舞也夫人聞之泣曰先君以是舞也習戎備

也今令尹不尋諸仇讐而於未亡人之側不亦異乎

尋用也婦人既寡自稱未亡人御人以告子元

待及

天

桃

御人夫人之侍人子元曰婦人不忘襲讐我反忘之

秋子元以車六百乘伐鄭入于桔柣之門桔柣鄭

遠郊之門也○乘繩證反桔戶

門矣又云入自純門又是入一門矣復言縣門不發

則更有一門矣不發是城門則知純門外郭門桔柣

遠郊門也尚書費誓序云子元鬪御疆鬪梧耿之不

東郊弗開是郊有門也子元自與三子特建旆以居前緇廣充幅

比爲旆子元自與三子特建旆以居前緇廣充幅

長尋曰旆繼旆曰旆○御魚呂反本亦作禦下註反

吾比并里反旆蒲貝○御魚呂反本亦作禦下註反

反長直亮反旆音兆○御魚呂反本亦作禦下註反

年傳稱令尹南轅反旆是旆居前而殿在後也釋文

云緇廣充幅長尋曰旆繼旆曰旆郭璞云旆帛全幅

旆未爲燕尾者鬪班王孫游王孫喜殿

爲反禦○殿丁衆車入自純門及達市純門鄭外

郭門也達市郭內道上市○純如字縣門不發楚言

而出子元曰鄭有人焉縣門施於內城門鄭示楚

以閒暇故不閉城門出兵而效楚言故子元畏之不

敢進○縣音諸侯救鄭楚師夜遁鄭人將奔桐丘○遁徒

許昌縣東北有桐丘城○遁徒謀告曰楚幕有烏乃

止○謀音謀間也幕帳也○謀音謀幕音

告糴于齊禮也○謀音謀幕音

春秋左傳

卷之二十一

及古

饑在築郡上者說始糴經在下須得糴嫌或諱饑故

曰禮○築郡非都也凡邑有宗廟先君之主曰都無

曰邑邑曰築都曰城周禮四縣為都四井為邑然

宗廟所在則雖邑曰都尊之也言凡邑則他築非例

**疏**周禮至非例○正義曰周禮小司徒職云九夫

縣為都註引此者以證都大邑小耳經傳之言都邑

者非是都則四縣邑皆四井此傳所發乃為小邑發

例大者皆名都則悉書曰城小邑有宗廟則雖小

曰都無乃為邑邑則曰築都則曰城為尊宗廟故小

邑與大都同名釋例曰若邑有先君宗廟雖小曰都

尊其所居而大之也然則都而無廟固宜稱城城漆

是也而潁氏唯繫於有先君之廟患漆本非魯邑因

說曰漆有邾之舊廟是使魯人尊邾之廢廟與先君

同非經傳義也又解傳言凡邑則主為邑言則他築

非例也若築臺築園築王姬之館則皆稱為築無大

小之異

經二十有九年春新延傳例曰書不時言新者皆

舊物不可用更造之辭又反○**傳**例至之辭○

謂之廢延是廢之名名之曰延其義不可知也公羊

傳曰新延廢者何修舊也謂舊廢敝壞不可因而補

治故言新為更造之辭也傳言新作延廢而經無作

字信二十年新作南門定二年新作雉門及兩觀皆

言新作而此獨無作是作傳之後轉寫闕文也釋例

曰言新意所起言作以興事通謂興起功役之事也

總而言之不復分別因舊而與造新也此稱經文而

水火流

卷之二十一

及古

所用之木非公命也凡諸興造固當有新固當有因今為春秋微義直記別此門此觀有新木故木既已鄙近且材木者立廢之具也公命立廢則眾用皆隨之矣焉有所用之木非公命也此為匠人受命立廢而盜共其用豈然乎哉

夏鄭人侵許傳例曰無鐘鼓曰侵

秋有蜚傳例為災○蜚扶味反

冬十有二月紀叔姬卒無傳紀國雖滅叔姬執節守

義故繫之紀賢而錄之

城諸及防諸防皆魯邑傳例曰書時也諸非備難而

興作傳皆重云時以釋之他皆放此諸今城陽縣

諸

曰

乃且反重城諸及防正義曰此言城諸及防文

齊襄十年傳晉師城梧及制同時城二邑者皆言及

穀梁傳曰以大及小也何休云諸君邑防臣邑言及

別君臣之義賈逵云言及先後之辭杜不為註先後之辭是也

傳二十九年春新作延廡書不時也經無作字蓋

闕凡馬日中而出日中而入日中春秋分也治廡

當以秋分因馬向入而修之今以春作故曰不時

許亮反本日中至不時正義曰中者謂日之

或作嚮長短與夜中分故春秋二節謂之春分

秋分也釋例曰春秋分而晝夜等謂之日中凡馬春

分百草始繁則牧於坰野秋分農功始藏水寒草枯

則皆還廡此周典之制也今春而作廡○夏鄭人侵

已失民務又違馬節故曰書不時也

及古

卷之十一

卷之十一

許凡師有鍾鼓曰伐聲其罪無曰侵鍾鼓無聲

輕曰襲掩其不備政反凡師至曰襲○正義

師旅討罪之名也鳴鍾鼓以聲其過曰伐寢鍾鼓以

入其竟曰侵掩其不備曰襲此所以別與師用兵之

狀也然則春秋之世兵加於人唯此三名擊鼓斬木

俱名爲伐鳴鍾鼓聲其罪往討伐之若擊鼓斬木然

侵者加陵之意寢其鍾鼓潛入其竟往侵陵之襲者

重衣之名倍道輕行掩其不備忽然而至若被衣然

立此三名制討罪之等級也周禮大司馬掌九伐之

法賊賢害民則伐之負固不服則侵之天子討罪無

掩襲之事唯侵伐二名與禮合而禮更有七名馮

弱犯寡則告之暴內凌外則壇之野荒民散則削之

賊殺其親則正之放弑其君則殘之犯令陵政則社

之內外亂鳥獸行則滅之彼謂王者行兵此據當時

實事時無其事則傳不爲例○秋有蜚爲災也凡物

其滅與入爲例故不列於此

不爲災不書○冬十二月城諸及防書時也凡土功

龍見而畢務戒事也謂今九月周十一月龍星角

亢晨見東方三務始畢戒民以土功事○見賢遍反

苦浪反凡土至畢務○正義曰釋例曰都邑者人

又音剛之聚也國家之藩衛百姓之保障不固則

敗不修則壞故雖不臨寇必於農隙備其守禦無妨

民務傳曰龍見而畢務戒事也謂夏之九月周之十

一月龍星角亢晨見東方於是納其禾稼三務始畢

而戒民以土功事也火見而致用大火星次角亢而

晨見於是致其用也水昏正而裁謂夏之十月定星

昏而中於是樹板幹而興作焉日至而畢謂日既南

至微陽始動故土功息傳既顯稱凡例而書時書不

時名重發者皆以別無備而興作如書旱雩之別過

雩也若城西郭傳特曰懼齊此其意也然則此發例

者止謂預修備禦非有當時之急故擇間月而爲之

春火流



若當時有急則不拘此制畢者竟也畢務謂農務竟而民間也日至而畢謂土功竟也冬至之後當更修來年農事不得復興土功也○**謂今至功事**○正義曰今之九月則季秋也月令季秋之日在房漢書律歷志論星之度數云角十二亢九氏十五自角之初至房初三十六度晨謂夜之將旦於晨之時日體在房故角亢見在東方也東方之宿盡為龍星角即蒼龍角也故角亢專得龍名戒謂令語之也春夏秋三時之務始畢民將閒暇故預**火見而致用**○**火**火心星次角亢見者致築作之物○**火**火至之物令語民將有土功之事使自備也○**火**火至之物年傳曰心為大火星度心五尾十八月令孟冬之月日在尾自心初至於尾末二十三度十月之初心星次角亢之後而晨見東方也致築作之物謂**水昏正**板幹畚楬諸是城之所用皆致之於作所也○**水昏正而栽**○**謂今十月定星昏而中於是樹板幹而興作**

○栽字林才代反一音再說文云築牆長板定多佞反○**謂今至興作**○正北方之宿為水星言水昏正者夜之初昏水星有正中者耳非北方七宿皆正中也詩云定之方中作于楚宮釋天云營室謂之定孫炎云定正也天下作宮室者皆以營室為正周語云營室之中土功其始是定星昏而正中時也鄭玄詩箋云定星昏中而正謂小雪時小雪十月之中氣月令仲冬之月昏東壁中室十六度日行一度是十月半而室中十一月月初而壁中禮記中庸云栽者培之栽者樹立之語故知樹板榦而起首與作也釋詁云榦榦榦也舍人曰榦正也築牆所立兩木也榦所以當牆之兩邊鄭士者也然則榦在牆之兩端榦立之即榦是也榦則在兩邊鄭土即板是也板榦既與而**日至而畢**○**日南至**微陽云樹板榦者因類連言耳○**樊皮叛王**○**樊皮周大夫樊其采**始動故土功息○**樊皮叛王**○**樊皮周大夫樊其采**

經三十年春王正月

夏次于成

無傳將甲師少故直言次齊將降鄆故設

備○將甲子匠反降戶江反

下文註同鄆音章下同

稱人謂大夫身也大夫卑名氏不見故稱人他國

可言某人魯事不得自稱魯人故魯之大夫使出者

皆言其所為之事而已此大夫帥師而次于成故直

秋七月齊人降鄆

無傳鄆紀附庸國東平無鹽縣東

北有鄆城小國孤危不能自固蓋齊遙以兵威脅使

紀

降附○鄆紀之遺邑也釋例曰劉賈依二傳以為鄆

紀之遺邑計紀侯去國至此二十七年紀侯猶不堪

齊而去則邑不得獨存此蓋附庸小國若鄆者也

是言鄆為附庸之意不言鄆降于齊而云齊人

八月癸亥葬紀叔姬

無傳以賢錄也無臣子故不作

諡

九月庚午朔日有食之鼓用牲于社

無傳

冬公及齊侯遇于魯濟

濟水歷齊魯界在齊界為齊

濟在魯界為魯濟蓋魯地○濟子

禮反○正義曰釋例

曰濟水自滎陽卷縣東經陳留至濟陰北經高平東

平至濟北東北經濟南至樂安博昌縣入海案高平

春秋左傳

卷之二十五

及古蜀

東平魯西界也濟南樂安齊竟內也指言魯濟故疑魯地遇于魯地濟水之邊

齊人伐山戎山戎北狄

傳三十年春王命虢公討樊皮夏四月丙辰虢公入

樊執樊仲皮歸于京師○楚公子元歸自伐鄭而處

王宮欲遂蠱文夫人鬪射師諫則執而梏之

師鬪廉也足曰桎手曰梏射師亦反又食夜反梏若毒反桎之實反

射師至曰桎○正義曰杜此註與譜並以射師與鬪廉為一人不知何據也服虔云射師若敖子鬪班也射師被桎不言舍之何以得殺子元也知射師與班必非一人也杜譜以為鬪射師若敖子鬪班若敖

孫周禮掌囚上罪梏桎而桎中罪桎梏下罪梏梏桎與文萃施於手知桎亦手也鄭玄亦云在手曰桎在

共

宋板作穀

減

足曰桎是先儒同此說也易大畜六四童牛之梏牛云梏者牛雖無手謂梏前足也○秋申公

鬪班殺子元申楚縣楚僭號縣尹皆稱公○僭子念反

鬪穀於菟為令尹自毀其家以紓楚國之難鬪穀

於菟令尹子文也毀滅紓緩也穀奴走反楚人謂乳曰穀漢書作穀音

同於音烏菟音徒紓音舒一音直汝反難乃旦反下註同○冬遇于魯濟謀山戎

也以其病燕故也齊桓行霸故欲為燕謀難燕國

今薊縣為于僞反薊音計

經三十有一年春築臺于郎無傳刺奢且非土功之

時刺七賜反

夏四月薛伯卒無傳未同盟

築臺于薛無傳薛魯地

六月齊侯來獻戎捷傳例曰諸侯不相遺俘捷獲也

獻奉之上辭齊侯以獻捷禮來故書以示過

○捷在

唯季反傳

傳例至示過

○正義曰捷勝也戰勝

同俘音字而有獲獻其獲故以捷為獲也釋例曰

歸者遺也獻者自下奉上之稱遺者敵體相與之辭

傳曰諸侯不相遺俘齊侯楚人失辭稱獻失禮遺俘

故因其來辭見自卑也以其大甲故書以示過此經

言獻捷傳言遺俘則是獻捷獻囚俘也襄八年邢丘

之會傳稱鄭伯獻捷于會又曰獲司馬變獻于邢丘

是獻俘謂之捷也襄二十五年鄭公孫舍之帥師入

陳傳稱司空致地司徒致民是不以俘囚歸也亦云

于庄獻捷于晉然則無囚而獻其功空有器物亦稱

秋築臺于秦無傳東平范縣西北有秦亭

冬不雨無傳不書旱不為災例在僖三年

傳三十一年夏六月齊侯來獻戎捷非禮也凡諸侯

有四夷之功則獻于王王以警于夷以警懼夷狄

○警音景中國則否諸侯不相遺俘雖夷狄俘猶

懼戒懼也

不以相遺

經三十有二年春城小穀小穀齊邑濟北穀城縣城

中有管仲井大都以名通者則不繫國

繫國○正

及古屬

春秋左傳

卷之二十七

義曰傳稱爲管仲知是齊邑管仲所食采邑也吳滅州來晉滅下陽如此之類皆不繫國知大都以名通者則不繫國也華亥向寧入于宋南里以叛南里非大都不得以名通故繫之宋耳賈逵云不繫齊者世其祿然則彼不繫者豈皆世其祿乎

夏宋公齊侯遇于梁丘

齊善宋之請見故進其班梁丘在高平昌邑縣西南

秋七月癸巳公子牙卒

牙慶父同母弟僖叔也飲酖而死不以罪告故得書卒書日者公有疾不責公不與小斂

○酖音鴆本亦作鴆與音預斂力斃反

八月癸亥公薨于路寢

路寢正寢也公薨皆書其所

詳凶變

路寢至凶變○正義曰公羊傳曰路寢者何正寢也喪大記曰男子不死於婦人之手婦人死於男子之手君夫人卒於路寢鄭玄云言死必於正處也是薨于路寢得其正也言詳凶變者釋例云詳

內事謹凶變

冬十月己未子般卒

子般莊公太子先君未葬故不稱爵不言殺諱之也

○般音班殺音弑諱之也○正義曰傳稱公疾問後於叔牙若已有太子則不應須問當問之時似未有太子也季友以死奉般酖殺叔牙蓋於爾時始命爲太子公薨而般立知其爲太子也子惡之死也直書子卒不書名此子般及子野皆書名者釋例曰公子惡魯之正適嗣位免喪則魯君也襄仲倚齊而弑之國以爲諱故不稱君若言君之子也及子般子野或見殺或不勝喪言罪則不足成限爲孝而滅性故直畧而書卒也又曰未成君而

卒若君未葬則嗣子書名在喪之禮也既喪則嗣君諒闇羣臣復吉免喪則成君也文公既葬襄仲殺惡及視書曰子卒與未成君同文所以為諱也如杜此言未葬之前生則直稱為子死則書曰子某卒猶外諸侯生稱其爵死書其名以為禮之常也既葬則嗣子成君以禮而卒當稱公薨全成君也子惡父既葬魯人諱其弒不得稱君其實已葬不得從子般子野未葬之例故書子卒而不稱名以示似未成君其實已成為君上不得同閔公下不得同般野故直書為子繫之於父若言君之子也公羊以為君存稱世子君薨稱子某既葬稱子踰年稱公據子般子野卒似欲當然但左氏稱宋桓公卒未葬而襄公會諸侯故曰子即發例曰凡在喪公侯曰子是未葬稱子傳之明文不得如公羊說也

**公子慶父如齊** 無傳慶父既殺子般季友出奔國人

不與故懼而適齊欲以求援時無君假赴告之禮而

行

**狄伐邢** 無傳邢國在廣平襄國縣 狄伐邢 正義曰明年

有傳而言無者明年自為管仲之言發端耳非說此年伐邢之事故言無傳

**傳三十二年春城小穀為管仲也** 公感齊桓之德

故為管仲城私邑 註及下同 ○齊侯為楚伐鄭之

故請會于諸侯 楚伐鄭在二十八年謀為鄭報楚

宋公請先見于齊侯 夏遇于梁丘 反又見賢通 ○秋七

月有神降于莘 有神聲以接人莘號地 中反 莘所

言者也雖復鬼神之神亦無形象可見今言神降則

水火

卷之二十九

及古

人皆聞知故知有神謂有神聲以接人也吳孫權時有神自稱王表言語與人無異而形不可見今此神降于莘蓋亦王表之類神者氣也當在人上今下接人故稱降也國語說此事稱丙史過對王云昔昭王娶於房曰房后實有爽德協於丹朱丹朱焉身以儀之生穆王焉若由是觀之其丹朱之神乎下說神居莘而號公請士內史過往惠王問諸內史過曰是何聞號請命知莘是號地故也內史過周大夫對曰國之將興明神降之監其德也將亡神又降之觀其惡也故有得神以興亦有以亡虞夏商周皆有之亦有神異本又作鑑古虞夏商周皆有之正義曰國語內史過暫反曰夏之興也視融降於崇山其亡也何祿信於黔隧商之興也檮杌次於丕山其亡也夷羊在汝川之興也鸞鸞鳴於岐山其衰也杜伯射宣王於

鎬是夏商周之所有也其虞則國語不言焉未知其所謂也服虔云虞舜祖考來格鳳皇來儀百獸率舞案虞書夔說舜樂所致非神降也必其傳會尚書以為得神以興則虞舜得神以亡者又安在也王曰若之何對曰以其物享焉其至之日亦其物也享祭也若以甲乙日至祭先脾玉用蒼服上青以此類祭之脾婢支反享祭至祭之正義曰此降莘史過令以其物享之其物非祀典所載神必須祭故內謂此神初降之日以其至日之物也月令春其日甲乙夏其日丙丁中央土其日戊巳秋其日庚辛冬其日壬癸所用之物月令具有其文註引甲乙所用舉一隅也丙丁日至祭用肺玉服皆赤也戊巳日至祭用心玉服皆黃也庚辛日至祭用肝玉服皆白也壬癸日至祭用腎玉服皆玄也王從之內史過往聞號請命聞號春火流

請於神求賜土田之命反曰虢必亡矣虐而聽於神

神居莘六月

神居莘六月○正義曰國語稱惠王十五年神降于莘年表惠王五年是

魯莊公之十八年則此年惠王十五年也上云七月降神則今年七月降也居莘六月虢公使視史享焉

則今年十二月也內史過往已聞虢請命則過至虢亦十二月也傳先說玉事使了後論虢事以終內史

之言故虢公使祝應宗區史囂享焉神賜之土田

文倒耳祝大祝宗宗人史太史應區囂皆名

○區丘于反囂五中反大祝音同 史囂曰虢其亡乎吾聞之國將興聽於民

政 順民心將亡聽於神 求福於神神聰明正直而壹者也依人而行

唯德是與虢多涼德其何土之能

得

涼薄也為僖二年晉滅下陽傳

○涼音良神聰至

正義曰國語曰耳目心之樞機也故必聽和而視正

聽和則聰視正則明然則所謂聰明者不聽淫辭不

視邪人之謂也襄七年傳曰正直為正正曲為直言

正者能自正直者能正人曲而壹者言其一心不二

意也依人而行謂善則就之惡則去之虢多薄德神

所不依其何土之能得言賜之土田必虛妄也若神

所不依則不應賜土而言神賜之土田者神厭其人

不告以實猶晉獻公筮以驪姬為夫人亦云吉耳

○初公築臺臨黨氏 黨氏魯大夫築臺不書不告

廟 黨氏魯大夫築臺不書不告 見孟任從之 閼 孟任黨氏女閼不從公

音黨 閼 孟任黨氏女閼不從公 而以夫人言許之 許

音閼 而以夫人言許之 許 以為夫人割臂盟公生子般焉雲講于梁氏女公子

以為夫人割臂盟公生子般焉雲講于梁氏女公子



觀之國零祭天也講肄也梁氏魯大夫女公子子般

妹○肄音四國零祭至肄也○正義曰魯以周公

四年傳曰臣以為肄業及國人犖自牆外與之戲國

之也肄為習業故講為肄國人犖自牆外與之戲國

圍人掌養馬者以慢言戲之○犖音洛國圍人掌

正義曰周禮圍人掌養馬芻牧之○力角反國圍人掌

事昭七年傳曰馬有圍牛有牧子般怒使鞭之公

曰不如殺之是不可鞭犖有力焉能投蓋于稷門國

蓋覆也稷門魯南城門走而自投接其屋之猶反覆

門上○覆芳國蓋覆至門上○正義曰稷門為魯

蓋者謂自投其身以蓋物故以為走而自投反覆門

上劉炫規過云公言犖有力焉如杜此說勁捷耳非

有力也當謂投車蓋過於稷門今知不然者周禮車

蓋以物帛為之輕而帆風非可投之物且傳直云投

蓋于稷門不云過稷門明知自投反覆稷門之上今

時猶然且游楚超乘而出女曰子南夫也則勁捷之

人亦是勇力之事劉君以公疾問後於叔牙對曰慶

父材國蓋欲進其同母兄問於季友對曰臣以死奉

般國季友莊公母弟故欲立般公曰鄉者牙曰慶父

林成季使以君命命僖叔待于鍼巫氏國成季季友

也鍼巫氏魯大夫○鄉許亮反使鍼季醜之國醜鳥

名其羽有毒以畫酒飲之則死○畫音獲國醜鳥至則

說文云醜毒鳥也一名運日廣雅云鳩鳥雄曰運日

雌曰陰諧廣志云鳩鳥形似鷹犬如鸚毛黑喙長七

寸火流國卷之十三十二國及右闕

八寸黃赤如金食蛇及椽實常居高山巔晉語諸公讚云鳩鳥食螻以羽翮樂酒水中飲之則殺人舊制鳩不得渡江有重法石崇為南中郎得鳩以與王愷養之大如鵝喙長尺餘純食蛇虺司隸傅祗於愷家得此鳥奏之宣示百官燒於都街是說鳩鳥之狀也以其因酒毒人故字或為醜

有後於魯國不然死且無後飲之歸及達泉而卒立

叔孫氏國達泉魯地不以罪誅故得立後世其祿

八月癸亥公薨于路寢子般即位次于黨氏國即喪

位次舍也冬十月己未共仲使圉人犇賊子般于

黨氏國共仲慶父音恭成季奔陳國出奔不書國亂

史失之立閔公國閔公莊公庶子於是年八歲亡謹

反國閔公至八歲正義曰傳稱閔公哀姜之娣

叔姜之子哀姜以二十四年八月始入娣必與適俱行當以二十五年生子故云八歲

春秋左傳註疏卷第十一

閔元年 盡二年

晉杜氏註

唐孔穎達疏

閔公

陸曰閔公名啓方莊公之子母叔姜史記云名開諡法在國遭難曰閔

**正義曰**

魯世家

閔公名開莊公之子惠王十六年即位杜世孫譜云名啓方漢景帝諱啓啓開因是而亂杜譜曰季云啓方從世本文諡法在國逢難曰閔是歲歲在大梁

經元年春王正月

齊人救邢

夏六月辛酉葬我君莊公

春秋左傳

卷之十一

及右

秋八月公及齊侯盟于落姑落姑齊地季子來歸季子公子友之字季子忠於社稷為國人所思故賢而字之齊侯許納故曰歸

元年季子至曰歸正義曰季是友之字也子者男子之美稱國人賢而思之得其還魯喜而呼曰季子來歸史因其言而書之傳稱請復季友齊侯許之是得齊之力齊侯許納故曰歸也

冬齊仲孫來仲孫齊大夫以事出疆因來省難非齊侯命故不稱使也還使齊侯務寧魯亂故嘉而字之來者事實省難其志也故經但書仲孫之來而傳尋仲孫之志

疆居良反難乃仲孫至之志正義曰傳稱仲孫秋則名秋且反下及註同

傳

而字仲孫也杜言以事出疆或使向他國因來省魯難非齊侯命之使來來而不稱君命故不言齊侯使也諸侯之卿例當書名此人還國使齊侯務寧魯難明年即有高子來盟是齊侯用其言魯人知其事不書其名嘉而字之杜云稱字嘉之則仲孫是字猶楚之孫伯或亦以孫為字也來者身來至魯是事實也省難心自省之是其志也雖志在省難不告魯人云已省其難故經據實事但書仲孫之來傳尋仲孫之志言其來省難也

傳元年春不書即位亂故也國亂不得成禮○狄

人伐邢狄伐邢在往年冬管敬仲言於齊侯曰戎

狄豺狼不可厭也敬仲管夷吾○豺士皆反狼諸

夏親暱不可棄也諸夏中國也暱近也○夏戶雅反暱女一

美一作也 又

璣

健啼

反宴安酖毒不可懷也

以宴安比之酖毒

○宴於見反本

雅美文王為西伯勞來諸侯之詩

○勞來力報反下力代反

至簡書○正義曰戎狄之心若豺狼之獸不可厭足

也言其當伐戎狄也諸夏之國皆親近之人不可遺

棄也言其當救邢也宴安自逸若酖毒之藥不可懷

戀也言其當自勞也詩小雅出車之篇美文王勞來

諸侯令賢臣出使此臣在外思歸而以王事自勉言

我豈不思歸乎誠思歸也但畏此簡書來告則須救故

侯有事則書之於簡遣使執簡以告命告則須救故

畏而不歸也此簡書者同有所惡則相憂之謂也詩

救邢以從簡書傳稱勤則不墮安則敗名齊侯縱心

宴安不欲征伐安則自損其身故言酖毒以勸之釋

獸云豺狗足郭璞云脚似狗說文云豺狼屬狗聲釋

獸又云狼牡獾牝狼舍人曰牡名獾牝名狼陸機毛

詩義疏云狼鳴能小能大善為小兒嗜聲以誘人去

數十步其猛捷者雖善用兵者不能免也二者皆貪

殘之獸故比戎狄也○敬仲管夷吾○正義曰敬

諡諡法夙夜勤事曰敬仲字管夷吾名○諸夏

至近也○正義曰此言諸夏襄四年傳魏絳云諸華

必叛華夏皆謂中國也中國而謂之華夏者夏大也

言有禮儀之大有文章之華也○釋文舍

人曰暱戚之近也言中國諸侯情親而路近

同惡相恤之謂也

同恤所惡請救邢以從簡書齊

人救邢○夏六月葬莊公亂故是以緩

葬○秋八月公及齊侯盟于落姑請復季友也

公初立國家多難以季子忠賢故請霸主而復之齊

侯許之使召諸陳公次于郎以待之

非師旅之事

水火流

卷之二十三

及

及

不

故書次季子來歸嘉之也○冬齊仲孫湫來省難

湫仲孫名○湫子書曰仲孫亦嘉之也仲孫歸曰不

去慶父魯難未已時慶父亦還魯公曰

若之何而去之對曰難不已將自斃斃陪也○斃

君其待之公曰魯可取乎對曰不可猶秉周

禮周禮所以本也臣聞之國將亡本必先顛而後枝

葉從之魯不棄周禮未可動也君其務寧魯難而親

之親有禮因重固能重能固則當就成之

成之○正義曰服虔云重不可動因其不可動而堅固之杜以此傳四句相類間攜貳攜貳皆間之覆昏

註

匠

亂昏亂皆敗之知此重固間攜貳離而相疑者則

皆因之則非因重而固之當因而間之覆昏亂覆敗也○覆芳服

霸王之器也霸王所用故以器為喻○王于況○

晉侯作二軍晉本一軍見莊十六年公將

上軍大子申生將下軍趙夙御戎畢萬為右為公

御右也夙趙衰兄畢萬魏犢祖父將子匹反下及

尺由為公至祖父○正義曰史記趙世家夙生

反共孟孟生趙衰晉語云趙衰先君之戎御趙

夙之弟也杜以夙為衰兄從晉語也魏世家畢萬生

武子世本畢萬生芒季季生武仲州州即犢也杜以

萬為犢之祖父依世本也以滅耿滅霍滅魏平陽皮氏縣東南

水火流

卷之四

及古

有耿鄉永安縣東北有霍大山三國皆姬姓耿古幸反國

還為大子城曲沃賜趙夙耿賜畢萬魏以為大夫

士薦曰大子不得立矣分之都城而位以卿先為之

極又焉得立位以卿謂將下軍不如

逃之無使罪至為吳大伯不亦可乎大音泰

之適子知其父欲立季歷故讓位而適吳註同適子

丁歷反本又作嫡云吳大伯弟仲雍皆周大王之子而上

季歷之兄也季歷賢而有聖子昌大王欲立季歷以

及昌於是大伯仲雍二人乃奔荆蠻以辟季歷季歷

果立是為王季是大伯讓位適吳之事言雖去

辟

猶有令名勝於留而及禍猶有至及也正義曰

與其留而及禍也何且諺曰心苟無瑕何恤乎無家

天若祚大子其無晉乎為晉殺申生傳

卜偃曰畢萬之後必大卜偃晉掌卜大夫萬盈數

也魏大名也萬盈至名也正義曰以算法從一

十萬百萬千萬萬萬始名億從是以往皆以萬為極

是以始賞天啓之矣天子曰兆民諸侯曰萬民

今名之大以從盈數其必有眾以魏從萬有眾象

初畢萬筮仕於晉遇屯震下坎上屯倫反張之

比 坤下坎上比 屯初九變而為比 註及下同

遇屯之比 正義曰震下坎上為屯 說卦云震動也 坎象云坎險也 動而遇險有屯難之象 坤下坎

上為比 說卦坎為水 坤為地 水潤下而地受之 相親比之象也 辛廖占之曰吉 辛

廖晉大夫 廖力 辛廖晉大夫 正義曰杜云 晉國而筮劉炫云若在晉國而筮何得云筮仕於晉

又辛甲辛有並是周人何故辛廖獨為晉大夫今知 不然者傳以畢萬是畢國子孫今乃筮仕於晉言於

晉以對畢耳非謂筮時在他國也案昭十五年傳云 及辛有之二子董之晉於是乎有董史註云辛有周

人二子適晉為大史則辛氏雖出於周枝流於晉劉 炫用服氏之說以為畢萬在周筮仕於晉文 屯固比

以晉國不得有姓辛而規杜過其義非也 屯固比

入吉孰大焉其必蕃昌 屯險難所以為堅固比親

又

密所以得入 蕃 震為土 震變為坤 車從馬 震

為車 坤為馬 震為車 坤為馬 正義曰晉語云 也 坤象曰利牝馬之貞是坤為馬也 下註震

為足 震為長男 坤為母 坤為眾 皆說卦文也 足居之

震為足 兄長之 震為長男 長丁 母覆之 坤

為母 眾歸之 坤為眾 六體不易 初一爻變有此

六義不可易也 合而能固 安而能殺 公侯之卦也

比合屯固 坤安 震殺 故曰公侯之卦 比合至之

震之為殺 傳無明文 晉語云震車也 車有威武 昭二

十五年傳云為刑罰威獄以類其震 曜殺戮是震為 威武殺戮之意 公侯之子孫必復其始 畢萬公高



之後傳為魏之子孫眾多張本

**疏**曰必復其始○正義曰萬是畢公之後

公侯之子孫必當復其初始言此人子孫又將為公侯也及春秋之後三家分晉而魏為諸侯是其筮之

也

經二年春王正月齊人遷陽

**疏**無傳陽國名蓋齊人偏

徙之 **疏**陽國至徙之○正義曰世本無有陽國不知何姓杜世族譜土地名闕不知所在與宋

人遷宿文同知陽是國名蓋齊人偏遷之

夏五月乙酉吉禘于莊公 **疏**三年喪畢致新死者之主

於廟廟之遠主當遷入祧因是大祭以審昭穆謂之

禘莊公喪制未闕時別立廟廟成而言祭又不於大

吉

苦

廟故詳書以示譏

**疏**禘大計反祧他彫反昭上饒反闕若亢反大廟音泰

**疏**三

年至示譏○正義曰僖三十三年傳曰凡君薨卒哭

而祔祔而作主特祀於主烝嘗禘於廟禘祀為吉祭

說喪事而言禘知禘是喪終而吉祭也襄十五年晉

悼公卒十六年傳稱晉人答穆叔云以寡君之未禘

祀知三年喪畢乃為禘也喪畢而為禘祭知致新死

之主於廟也新主入廟則遠主當遷知其遷入祧者

祭法云天子七廟有二祧則祧是遠祖廟也周禮守

祧掌守先王先公之廟祧其遺衣服藏焉廟之遠主

其廟既遷主無所處固當遷入祧也鄭玄以二祧為

文王武王之廟遷主入廟當各從其班穆入文祧昭

入武祧禮諸侯五廟更無別祧則當謂太祖之廟為

祧也遠主初始入祧新死之主又當與先君相接故

禮因是而為大祭以審序昭穆故謂之禘禘者諦也

言使昭穆之次審諦而不亂也莊公以其三十三年

八月薨至此年五月唯二月故喪制未闕也公羊傳曰其言于莊公何未可以稱宮廟也曷為未可

二

春秋左傳卷之二十一  
以稱宮廟在三年之中矣三年之中未得以禮遷廟而特云莊公知為莊公別立廟廟成而吉祭也僖八年禘于太廟文二年大事于太廟宣八年有事于大廟彼言大事有事亦禘祭也則禘禮必于大廟今未可以吉祭而為吉祭又不于大廟故詳書以示譏也既云吉禘又云于莊公是其詳也

秋八月辛丑公薨實弒書薨又不地者皆史策諱之

九月夫人姜氏孫于邾哀姜外淫故孫稱姜氏

註同哀姜至姜氏正義曰此決莊元年夫人孫同于齊不稱姜氏也賈服之說皆以為文姜殺夫罪重故去姜氏哀姜殺子罪輕故不去姜氏故杜為此言以與之言外淫者謂與外姓為淫

公子慶父出奔莒弒閔公故

冬齊高子來盟無傳蓋高侯也齊侯使來平魯亂僖

公新立因遂結盟故不稱使也魯人貴之故不書名

子男子之美稱尺證反蓋高至美稱正義曰

于防自爾以來不見經傳故云蓋高侯也往年仲孫秋勸齊侯使寧魯難今而高子適魯知齊侯使來平魯亂也當齊侯初命高子之時慶父未出僖公未立及其至魯值僖公新立因遂與魯結盟而立之不云齊侯使者盟非齊侯之命故不稱使也齊侯不使之盟而高子輒為盟者齊侯使之來平魯亂新君既立遂盟而安之亦足稱齊侯之意其盟非專擅也魯人不能自安高子盟以安之魯人貴之故不書其名子者男子之美稱故呼之曰高子穀梁傳曰其曰來喜之也其曰高子貴之也盟立僖公也然則盟立僖公必僖公共盟不言公及齊高子盟者桓十四年鄭伯使其弟語來盟文十五年宋華孫來盟皆不言公及則不書公者春秋之常也晉荀庚衛孫良夫並為來聘既行聘禮更與公盟非是直為盟來故聘後別言

耳及

十有二月狄入衛書入不能有其地例在襄十三年

鄭棄其師高克見惡久不得還師潰而克奔陳故克

狀其事以告魯也○惡烏路反潰戶內反

具焉大夫出奔多是本國來告傳稱晉侯使以殺大

子申生之故來告又衛殺孔達告於諸侯是其本國

告也宣十年傳例曰凡諸侯之大夫違告於諸侯曰

某氏之守臣某失守宗廟敢告是大夫私家之告辭

昭二十六年王子朝奔楚傳稱告于諸侯是奔者自

告也此鄭文公心惡高克而欲得遠之克既奔陳無

罪可告故杜以為高克自狀其事以告魯魯史以為

克若將師出奔是為棄師之道不書高克出奔而書

鄭棄其師者案詩序云公子素惡高克進之以禮

文公退之不以道危國亡師之本是棄其師也穀梁

傳曰鄭棄其師惡其長也兼不反其眾則是棄其師也

傳二年春虢公敗犬戎于渭汭犬戎西戎別在中

國者渭水出隴西東入河水之隈曲曰汭汭如銳反隈烏回

反犬戎至曰汭正義曰西方曰戎知犬戎是

縣鳥鼠同穴山東經南安天水洛陽扶風始平京兆

至弘農華陰縣入河釋丘云隩隩厓內為隩外為隈

李巡曰厓內近水為隩孫炎云內隈曲裏也彼雖不

言汭汭即隩也而汭字以內為聲明是水之隈曲之

也舟之僑曰無德而祿殃也殃將至矣遂奔晉舟

之僑虢大夫僑音喬註同夏吉禘于莊公速也初公

傳奪卜齋田公不禁卜齋魯大夫也公即位年八

春大流卷之十一 九

及古

歲知愛其傅而遂成其意以奪齒田齒忿其傅并及

公故慶父因之

○齧魚 **田** 莊公三十二年註云閔公

於是年八歲此云即位年八歲者閔公之年歲傳文不明服虔於莊三十二年註云閔公於是年九歲於此註云公即位時年九歲僖二年註云閔公死時年九歲杜知其不可故於莊公之末註言年八歲以與之嗣子位定於初喪言即 **秋八月辛丑共仲使卜齧**

**賊公子武闈**

宮中小門謂之闈

○共音恭闈音韋一音暉 **田**

中小門謂之闈○正義曰釋宮云宮中之門謂之闈其小者謂之闈小闈謂之闈彼就小門之內更別以爲二名大率宮中之門皆小故云宮 **成季以僖公適**  
**邾** **僖公** **閔公** **庶兄** **成風** **之子** **共仲** **奔** **莒** **乃** **入** **立** **之**

**以賂求共仲于莒莒人歸之及密使公子魚請**

魯地琅邪費縣北有密如亭公子魚奚斯也 **密**

**不許哭而往共仲曰奚斯之聲也乃縊**

未 **慶父之**

**罪雖重季子推親親之恩欲同之叔牙存孟氏之族**

**故畧其罪不書殺又不書卒**

○縊一 **田** 慶父至書  
叔牙云慶父材者始有黨慶父之心本其惡未顯見故季子隱之而書其卒若自死然慶父弑二君其罪已章者計當書其誅殺季子推親親之恩欲同之叔牙存孟氏之族故畧其罪不書殺也又不可全同叔牙故又不書卒慶父子孫終爲孟 **閔公** **哀姜** **之** **姊** **叔**

**姜之子也故齊人立之共仲通于哀姜哀姜欲立之**

閔公之死也。哀姜與知之。故孫于邾。齊人取而殺之。

于夷以其尸歸。為僖元年齊人殺哀姜傳。夷魯地。

○與音預 孫音遜 僖公請而葬之。哀姜之罪已重。而僖公

固一作因

請其喪還者。外欲固齊以居厚。內存母子不絕之義。

為國家之大計。○成季之將生也。桓公使卜楚丘之

父卜之。卜楚丘魯掌卜大夫曰。男也。其名曰友。在

公之右。在右言用事。間于兩社為公室輔。兩社

周社亳社。兩社之間。朝廷執政所在。○亳步 各反 兩社

考

之諸侯。故國社謂之周社。哀四年亳社災。是魯國有

亳社。穀梁傳曰。亳社者。亳之社也。亳亡國也。亡國之

社。以為廟。屏戒也。則亳社在宗廟之前也。周禮小宗

伯掌建國之神位。右社稷。左宗廟。則諸侯亦當然。定

二年。雉門及兩觀災。則兩觀在雉門外也。禮運云。昔

者。仲尼與於蜡。實事畢。出遊於觀之上。蜡祭在廟。故

出廟而遊於觀也。由此言之。宗廟社稷在雉門之外。

分左。右廟也。鄭玄者。按禮文。以為魯制。三門庫雉路

天子諸侯皆三朝。圖宗人之嘉事。則有路寢庭朝。日

出視朝。則在路門之外。其詢國危。詢國遷。詢立君。周

禮朝士所掌。外朝之位者。乃在雉門之外耳。雉門之

外。左有亳社。右有周社。間于兩社。是在兩社之間。朝

廷。詢謀大事。則在此。季氏亡。則魯不昌。魯不昌。則

處是執政之所在也。季氏亡。則魯不昌。魯不昌。則

正義曰。服虔云。謂季友出奔。魯弑二君。案傳。子般既

春大荒

卷之十一


及古

於春秋禮記稱悼公之喪季昭子問為君何食以後雖則無文當是與魯俱滅也

大有  乾下離上大有之乾  乾下乾上乾大

有六五變而為乾曰同復于父敬如君所  筮者之

辭也乾為君父離變為乾故曰同復於父見敬與君

同  筮者至君同○正義曰此雖六五爻變不取

于還變為乾故云同復于父言其尊與父同也國人

敬之其敬如君之處所言其貴與君同也說卦乾為

君父言其身之尊則云同復于父言其為人及生有

所敬則云敬如君所屬意與故分為二也

文在其手曰友遂以命之  遂以為名○冬十二月

狄人伐衛衛懿公好鶴  衛懿公好鶴○正義曰陸

璣毛詩義疏云鶴形狀大

如鵝長脚青翼高三尺餘赤目赤頰喙長四寸餘多

純白或有蒼色蒼色者今人謂之赤頰常夜半鳴故

淮南子曰雞知將旦鶴知夜半其鳴高亮聞八九里

雌者聲差下今吳人園囿中及士大夫家皆養之

鶴有乘軒者  軒大夫車  軒

車○正義曰定十三年傳稱齊侯斂諸大夫之


軒故杜云軒大夫車也服虔云車有藩曰軒 將戰

國人受甲者皆曰使鶴鶴實有祿位余焉能戰公與

石祁子玦與甯莊子矢使守  莊子甯速也玦玉玦

○焉於虔反玦古充反守 曰以此贊國擇利而為之

贊助也玦示以當決斷矢示以禦難 ○斷丁亂反

與夫人繡衣曰聽於二子  取其文章順序渠孔御

春火荒 卷之十一 十二 及古蜀

榮釋文同

入

戎子伯為右黃夷前驅孔嬰齊殿傳言衛侯失民  
 有素雖臨事而戒猶無所及及狄人戰于榮  
 澤衛師敗績遂滅衛此榮澤當在河北君死國散  
 經不書滅者狄不能赴衛之君臣皆盡無復文告齊  
 桓為之告諸侯言狄已去言衛之存故但以人為文  
 逐同為之于偽反下文為衛同此榮澤當在河  
 豫州榮波既豬導泲水入于河益為榮是榮在河南  
 此時衛都河北為狄所敗乃東徙渡河故知此榮澤  
 當在河北但泲水入河乃泲被河南衛侯不去其旗  
 是以甚敗狄人囚史華龍滑與禮孔以逐衛人二人

乃桓

曰我大史也實掌其祭不先國不可得也夷狄畏  
 鬼故恐言當先白神去起呂反藏也一云除也乃  
 先之至則告守曰不可待也守石甯二大夫夜與  
 國人出狄入衛遂從之又敗諸河衛將東走渡河  
 狄復逐而敗之初惠公之即位也少蓋年十五六  
 照反蓋年十五六○正義曰衛宣公以隱四  
 後及納急子之妻生壽及朔朔齊人使昭伯烝於宣  
 既有兒知其蓋年十五六耳昭伯惠公庶兄宣公子頑也昭伯不  
 姜不可強之昭伯惠公庶兄宣公子頑也昭伯不  
 可烝之承反生齊子戴公文公宋桓夫人許穆夫  
 強其丈反

春秋流

卷之二十三

及古蜀

人。文公為衛之多患也。先適齊及敗。宋桓公逆諸河。  
 迎衛敗眾宵濟。夜渡畏狄。衛之遺民男女七百  
 有三十人。益之以共滕之民為五千人。共及滕衛  
 別邑。立戴公以廬于曹。廬舍也。曹衛下邑。戴  
 公名申。立其年卒而立文公。廬力居反于曹。曹詩作潛音同。舍至  
 文公。正義曰。周禮秋官野廬氏掌掌道宿息地官  
 遺人云。凡國野之道十里。有廬廬有飲食。是廬為舍  
 也。廬于曹者。言隨宜寄舍耳。曹邑雖闕不知其處。當  
 在河東近楚丘也。戴公名申。世本世家文。經傳皆云  
 十二月狄入衛。衛人東徙。渡河。收集離散。乃立戴公。  
 此年之末。文公即位。計戴公為君。不過十數日耳。言  
 立一年卒者。滅而復興。不是嗣位。故成喪為謚。文公  
 繼世而立。明年始為元年。故戴公雖復日少。亦稱一

年年表亦以此年為戴公元年。今定本云。以其年卒。許穆夫人賦載馳。載馳  
 詩。衛風也。許穆夫人痛衛之亡。息歸唁之不可。故作  
 詩以言志。齊侯使公子無虧帥車三百乘。甲士  
 三千人。以戍曹。無虧齊桓公子。武孟也。車甲之賦  
 異於常。故傳別見之。虧去危反。乘繩證反。歸公乘  
 馬。祭服五稱。牛羊豕雞狗皆三百。與門材。歸遺也。  
 四馬曰乘。衣單複具曰稱。門材。使先立門戶。稱尺  
 音荷。遺于乘反。單。歸遺至門戶。正義曰。歸者  
 複音丹。下方服也。不反之辭。故為遺也。周禮。授人  
 云。乘馬一師。四圍。圍養一馬。故云四馬曰乘。以乘車  
 并師五人。必駕四馬。故也。喪大記云。袍必有表。不禪  
 春秋統 卷之二十四 反古



衣必有裳謂之一稱

**歸夫人魚軒** 魚軒至為飾 正義曰詩云象弭魚

是衣禪複具曰稱 **魚皮為飾** 服此云魚軒則用魚為飾其皮可以飾

器物者唯魚獸耳故云以魚皮為飾陸機毛詩義疏

云魚獸似猪東海有之其皮背上有斑文腹下有純

青今人以為弓鞬步叉者也其皮雖乾燥為弓鞬矢

服經年海水將潮及天陰毛皆起水潮還及晴則毛

復如故雖在數千里外可 **重錦三十兩** 重錦錦之

以知海水之潮自相感也 **熟細者以二丈雙行故曰兩三十兩三十匹也**

錦至匹也 正義曰服虔云重牢也杜以其遺夫人

貴美不貴牢故以為錦之熟細者雜記曰納幣一束

束五兩兩五尋八尺曰尋則五尋四丈謂之兩者 分為兩段故也謂之匹者兩兩合卷若匹偶然也

**鄭人惡高克使帥師次于河上久而弗召師潰而歸**

**高克奔陳** 高克鄭大夫也好利而不顧其君文公

惡之而不能遠故使帥師而不召 惡鳥路反註同

反 **鄭人為之賦清人** 清人詩鄭風也刺文公退臣

不以道危國亡師之本 偽反 為于 **晉人使大子申生**

**伐東山臯落氏** 赤狄別種也臯落其氏族 臯古

章勇 赤狄至氏族 正義曰狄有赤狄白狄成

反 十三傳晉侯使呂相絕秦云白狄及君同

州則白狄與秦相近當在晉西此云東山當在晉東

宣十五年晉師滅赤狄潞氏潞則上黨潞縣在晉之

東此云伐東山臯落氏知此亦在晉東是赤狄 **里克**

別種也臯落其氏族也此族之人狄之渠帥也 **諫曰大子奉冢祀社稷之粢盛** 里克晉大夫冢大

也。○桑盛上音。以朝夕視君膳者也。膳厨膳。○朝

又張遙反。膳厨膳。○正義曰。鄭玄膳夫。註云。膳

膳市戰反。膳之言善也。今時美物曰珍膳。是膳者美

食之名。厨者造食之處。故云膳厨膳也。禮記云。文王

之爲世子。食上必在視寒煖之節。食下問所膳。命膳

宰。然後退。是太子故曰冢子。君行則守。有守則從。

曰撫軍守曰監國。古之制也。夫帥師專行謀。帥師

者必專謀軍事。○則守手又反。下同。從才用反。下同。監古銜反。誓軍旅。宣

號令也。君與國政之所圖也。非太子之事也。國政

正卿師在制命而已。命將軍所制。稟命則不威專

命則不孝。故君之嗣適。不可以帥師。君失其官。帥師

不威。將焉用之。天子統師。是失其官也。專命則不

孝。是爲帥必不威也。○適丁歷反。本又作嫡。配適同。焉於虔反。且臣聞臯

落氏將戰。君其舍之。公曰。寡人有子。未知其誰立焉。

不對而退。見大子。大子曰。吾其廢乎。對曰。告之以臨

民。謂居曲沃。教之以軍旅。○謂將下軍。○謂將子

上軍。不共是懼。何故廢乎。對曰。告之全廢乎。○正

並同。告百姓以臨示下民之事。并教之軍旅之法。不共是二事爲懼矣。何故憂其廢乎。且子懼不

孝。無懼弗得立。脩己而不責人。則免於難。大子帥師

公衣之偏衣。偏衣。左右異色。其半似公服。○共音

作供難乃且反下同公衣之偏於既反下  
衣身之偏衣之純衣之危服註衣之同  
○正義曰下云服其身則衣之純言此偏衣不純知其左右異色也又云衣身之偏言公以身衣之偏半  
衣大子知其  
半似公服也

**佩之金玦**  
以金為玦  
**狐突御戎先友**  
為右  
狐突伯行重耳外祖父也為申生御申生以

**大子將上軍梁餘子養御罕夷先丹木為右**  
罕夷

晉下軍卿也梁餘子養為罕夷御羊舌大夫為尉  
羊舌大夫叔向祖父也尉軍尉  
○向許  
**先友曰衣身**  
丈反

**之偏**  
謂佩金玦將上軍在此  
**行也子其勉之偏躬無慝**  
分身衣之半非惡意也

○慝他  
**兵要遠災**  
威權在已可以遠害  
○遠于萬  
得反  
反註及下

同  
**親以無災又何患焉**  
**狐突歎曰時事之徵也**  
歎  
以先友為不知君心衣身之章也  
章貴賤佩衷之

**旗也**  
旗表也所以表明其中心  
○衷音忠  
**故敬其**  
**事則命以始**  
賞以春夏服其身則衣之純  
必以

純色為服用其衷則佩之度  
衷中也佩王者士君  
**子常度今命以時卒闕其事也**  
冬十二月闕盡之

時  
音祕  
**衣之危服遠其躬也**  
危雜色  
○危莫  
**佩以**  
**金玦棄其衷也服以遠之時以闕之危涼冬殺金寒**

玦離胡可恃也。○寒涼殺離言無溫潤玦如環而缺

不連雖欲勉之狄可盡乎。梁餘子養曰：帥師者受命

於廟，受賑於社。○賑宜社之肉，盛以賑器。○賑市軫

肉盛音成。有常服矣，不獲而危，命可知也。○韋弁服，軍之

常也。危偏衣，死而不孝，不如逃之。罕夷曰：危奇無常

矣。○雜色奇怪非常之服，金玦不復，雖復何為？君有心

矣。○有害天子之心，先丹木曰：是服也。狂夫阻之。

阻疑也，言雖狂夫猶知有疑。○阻莊曰：盡敵而反。

日公辭。○盡子忍反。下盡敵同。敵可盡乎？雖盡敵猶有內讒，不

如違之。○違去也。狐突欲行。行亦去也。羊舌大夫

曰：不可違命不孝，棄事不忠，雖知其寒惡不可取。子

其死之。○寒薄也。○狐突至死之。○正義曰：傳之上

君自將此太子亦然者，攝君之事，故與君同文也。傳歷言將帥御右者，以下各有言，故此舉其目先友不知君有害太子之心，故推此衣佩以為善事勸之。狐突歎先友不知君意，乃極言時衣佩三者反覆以答之。罕夷唯舉服佩二事，故云危奇無常。金玦不復也，其梁餘子養先丹木，唯言服舉其重者，故子養云不獲而危，命可知也。先丹木云是服也，狂夫阻之，是皆勸太子之行也。狐突以衆言同已，故決意欲行。羊舌大夫乃以忠孝之事勸之，使留各以意之所見，故其言或深或淺。○羊舌至軍尉。○正義曰：羊舌氏也。爵為大夫，號曰羊舌大夫，不知其如何也。此人生羊舌職，職生叔向，故為叔向祖父。譜云：羊舌氏，晉之公族也。

族羊舌其所食邑也或曰羊舌氏姓李名果有人盜  
 羊而遺其頭不敢受而埋之後盜羊事發辭連  
 李氏李氏掘羊頭而示之以明已不食誰識其舌  
 存得免號曰羊舌是也或曰者不知誰為此言杜所  
 不從記與聞耳○服以至恃也○正義曰服以遠之  
 覆上之先龍服也時以闕之覆上命以時卒也上先  
 時後服此先服後時者以下連龍涼冬殺之文又欲  
 使冬殺與金寒相近冬殺是時故退之在下言有涼  
 則申上之先龍服也冬殺則申上命以時卒也龍涼  
 據服冬殺據時耳金寒則申上佩以金塊也金是  
 秋之寒氣故言金寒也○**龍**宜至服器○正義曰  
 釋天云起大事動大衆必先有事乎社而後出謂之  
 宜知出兵必祭社祭社名爲宜周禮大宗伯以龍騰  
 之禮親兄弟之國定十四年天王使石尚來歸龍知  
 龍是器物可執之以賜人也今言受服於社明是祭  
 社之肉盛以龍器賜元帥也地官掌龍祭祀共龍器  
 之龍鄭玄云龍大蛤龍之器以龍飾因名焉○**龍**阻  
 疑也○正義曰劉炫云阻疑以意訓耳今言猶云阻

疑且阻得爲疑也言雖狂夫猶知於此服有疑也服  
 虔云阻也方相之士蒙玄衣朱裳主索室中毆疫  
 號之爲狂夫止此服言君與天子以狂夫所止之服  
 衣之晉語云且是之衣也狂夫阻之衣也韋昭云狂  
 夫方相氏之士也阻古詛字也將服是衣必先詛之  
 是由無正訓各以意解劉以爲方相氏狂夫所服玄  
 衣朱裳左右同色不得爲偏衣也當服此衣非是意  
 所止也詛乃服之文無所出故杜別爲此解○**龍**曰  
 公辭○正義曰言公辭者當以公賜之偏衣金塊推  
 其義理原公之意而爲之作辭非公出言作此辭也  
**天子將戰狐突諫曰不可昔辛伯諗周桓公****龍**諗告  
 也事在桓十八年○**龍**諗音審說云內寵並后外寵二  
**政嬖子配適大都耦國亂之本也周公弗從故及於**  
**難今亂本成矣****龍**驪姬爲內寵二五爲外寵奚齊爲  
 難今亂本成矣

嬖子曲沃為大都故曰亂本成矣

**○**驪姬至本成

之語先有成文其內寵之徒不為晉發故劉炫云二

五嬖賤不得為二政天子不以曲沃作亂不得為大

都而杜云驪姬為內寵二五為外寵奚齊為嬖子曲

沃為大都者令刪定以為辛伯之言雖不為晉要晉

國之亂事理相當故杜以事託之二五為耦墾傷晉

室曲沃疆大大子奔之又築屈與蒲終為禍難但此

據大子故以曲沃為文劉君不立可必乎孝而安民

達此旨而為規過違傳意也

**子其圖之** **○**奉身為孝不戰為安民與其危身以速

罪也 **○**有功益見害故言孰與危身以召罪 **○**孝而

也 **○**正義曰去則孝而安民留則危身召罪等與 **○**

其危身以召罪也豈若孝而安民乎勸使逃也 **○**

成風聞成季之繇乃事之 **○**成風莊公之妾僖公之

母也繇卦兆之占辭 **○**繇直而屬僖公焉故成季立

救反

之 **○**屬章 **○**僖之元年齊桓公遷邢于夷儀二年封

欲反

衛于楚丘邢遷如歸衛國忘亡 **○**忘其滅亡之困衛

文公大布之衣大帛之冠 **○**大布麤布大帛厚繒蓋

用諸侯諒闇之服 **○**衛文公大布之衣本或作衣大

亮 **○**務材訓農通商惠工 **○**加惠於百工賞其利器用

敬教勸學授方任能 **○**方百事之宜也 **○**務材至任

曰務材務在植材用也訓農訓民勸農也通商通

商販之路合貨利往來也惠工加恩惠於百工賞其

利器用也敬教敬民五教也勸學勸民學問也授方

授民以事皆有方法也任能其所委任信用能人也

令

逆 逆

春秋左傳

卷之十一

衛文公

元年革車三十乘季年乃三百乘

**國**

衛文公以此年

冬立齊桓公始平魯亂故傳因言齊之所以霸衛之

所由興革車兵車季年在僖二十五年蓋招懷逃散

故能致十倍之衆 ○乘繩證反下

同遜必諍反

春秋左傳註疏卷第十一 終

